

大
學

學
報

第
二
卷

第
一
期

一
九
二
四

年
一
月

《續修四庫全書》編纂委員會編

續修四庫全書

上海古籍出版社

七六一・史部・政書類

續文獻通考二百五十四卷（卷十至卷五十五）

〔明〕王

圻撰

.....
—

2468/10

續文獻通考二

〔明〕王圻撰

據明萬曆三十年松江府刻本影印原書版框高二〇六毫米寬二九二毫米

續文獻通考卷之十

皇明進士雲間王圻纂輯

田賦考 太湖

禹貢曰三江既入震澤底定震澤即太湖

虞翻云太湖東通松江南通雲溪西通荆谿比通太湖東連韭溪凡五道故曰五湖韋昭以胥蠡洮滂四湖與大湖爲五 蘇志云莫釐山之東與徐侯山相值者爲菱湖莫釐西與菱湖連者爲莫湖南連莫湖東逼胥山者爲胥湖長山東曰遊湖長山西北連無錫老岸曰貢湖又有金鼎梅梁二湖及東里湖通謂之太湖而震澤具區皆舊名西北有百瀆納建康常鎮數郡之水從荆

續文獻通考卷之十

谿下東南有諸濬納宣歙臨安若晉諸水從天目山下

蘇郡入湖有二口曰鮎魚口曰胥口 吳江入湖有三路西北曰柳胥西南曰簡村其一則西郊

諸湖蕩淪此湖蕩皆吳太湖水以洩谷浦港者故不可不詳

澱山湖 在崑山東南六十里華亭西北七十二里跨據崑山長洲華亭三縣其源自吳淞江分流由急水港鍾

爲湖曰薛澱一自長洲白蠅港分流入此周廻幾二百里北由趙屯東由大盈洩松江南由閘路港入三泖

按志載澱山湖北中爲一澳曰山門濬濬之中又有斜路港與積澳鄰及大石浦小石浦通洩湖流後潮淤固田湖去西北已遠今趙屯大盈去湖益遠反由何家港

及南北漕港受湖水以洩于江水患多矣潘應武欲開道謁浦石浦千墩浦小澗浦四處決放湖水亦有元也

宋淳熙十三年羅點開浚一以紹興初復廢民給佃

龐山湖 在澹臺湖東大湖水從吳江長橋東北合此湖

以出吳松江又自鮎魚口至分水東南流入吳江縣界甘泉橋匯于此湖其下流爲黎湖爲菱湖爲葉湖爲新湖

陳湖 在長洲縣通太湖由葑門瓦屑涇東行歷王墓大姚而注澱山澹澤園渚入華亭界

尹山湖 在長洲縣過篾渡橋東南行二十里入湖東北出濱墅湖由是湖歷同里鄧村周庄楊塘章練塘尤墩

續文獻通考卷之十

入華亭界

沙湖 在長洲葑門東二十里陸市浦小夷亭營南一名金沙湖北對過爲陽城湖至和塘岸隔絕其中青墟戴

溪二浦在焉南通吳淞江我朝弘治九年工部主事姚文瀾築堤廣三丈袤三百六十丈今多坍缺似宜修治

石湖 北屬吳縣西南一十二里西南通太湖北通橫塘

東入胥門運河曰胥塘此范蠡入五湖之口也又北入閘門運河曰絲雲港

陽城湖 在崑山縣西北長洲縣東北二十里或由菱門官瀆橋出此或由真又緯墩出此或由高墟村傀儡蕩出此一水皆可至常熟宋天禧中張綸經度道太湖出

海郎此湖也

黃天蕩 在長洲縣茂渡橋之東尹山湖之西東為獨墅

王墓朝天三湖實一水也

同里湖 在華亭縣西六千里由本湖或夾浦塘東北行

至楊壩入澱湖由本湖歷黎里東南行可繞出嘉興北

由直新洋江可至崑山

澹臺湖 在吳縣西南一十八里太湖東自此東過實帶

橋入運河分流入黃天蕩入陳湖入金雞淦

汾湖 在吳縣東南五十里浙直嘉興吳江分界故名

金雞東西淦 在長洲對門東六里東通吳淞江過淦歷

唐浦角直積澳青浦至華亭界

續文獻通考卷之十

鴛鴦湖 在吳江縣太湖之南源自天目東流至荻塘會

爛溪水併出平望安德橋灌于此

三白蕩 在吳江東南

三泖 在松江府西泖之界西北抵山涇南自泖橋出近

山涇者形圓曰圓泖近泖橋者益闊曰大泖自泖橋而

上縈遶百里曰長泖谷水在其北金澤章練大小蒸白

牛塘在其西對漚走馬諸塘在其東泖橋之外截而東

者秀州塘也

葉澤湖 在吳江縣北湖之東為九里湖急水港杓頭潭

清水蕩又東為姚城江白硯江小龍港

契跡湖 在吳江杓頭潭之西與汾湖接

毛塔湖 在吳江縣東

漕湖 在長洲縣本范蠡伐吳時開亦名蠡湖元和中孟

簡開泰伯瀆并通蠡湖故以瀆為孟漕湖為孟湖或以

此湖通漕運故改今名

尚湖 在常熟縣西南四里南有柴涇徐墅涇朱涇西有

湖橋塘張墓塘東南有白蕩自白蕩出為羅墩蕩為六

里塘自張墓塘出為太和塘自柴涇出為南塘又自太

和塘出為官祿塘黃庄塘諸水互流其西吐納江陰無

錫諸水其東仍流入雲和塘

崑承湖 在常熟縣東南五里雲和塘之東亦名八字湖

獨樹湖 在長洲縣黃天蕩之東南又名黃墅

續文獻通考卷之十

蘇松土岡

按志蘇州府太倉常熟之東北境有上岡身下岡身歸

吳岡身在新安鄉曰青岡在惠安鄉曰土家岡松江府

華亭之東南境有竹岡紫岡沙岡皆土隴高起橫亘百

里殆若天所以限截湖海二水不相通耳後因道江道

海利干洩瀉而穿渠橫截岡身矣在吳松江以南者苦

干蓋潮害稼遂築海塘以護之在劉河以比者高田苦

干無水遂置堰門以堰水如今之錢門張堰門沙堰門

吳提顧廟堰丁堰李堰門之類是也近皆圯壞不修故

詳之以備攷

濱河漕淺

太湖周廻以里計者五百有奇以頃計者三萬六千有奇地跨蘇湖常三境宣歙以東富陽以北之水俱從荆溪之百瀆長興之二十四瀆湖州之三十六瀆吳江之七十二瀆吐納焉而導湖水以入海之口則吳江之長橋葉港曹家港王家港震澤河雪落港埭關口直瀆韭菜白龍橋七里港吳縣之鮎魚口麵杖港新涇港莫舍淩胥口香山港塘橋港烏角溪無錫之直河港新安港赤城溪長廣溪梁溪間江口武進之戚墅宜興之橫塘陽溪大浦東蠡河塘皆當及時疏濬以通水道者也今將沿湖瀆淩曲折分界細述于後

吳江縣界自西而東南接烏程縣湖淩

續文獻通考卷之十

五

三百五十五

牛家港	槐家港	鐵家港	雙林港
薛埠港	西丁家港	吳淩	此水大通
南路家港	薛家港	方港	張港
葉港	此水大通	曹家港	此水大通
蔣家港	東丁家港	五界亭港	雙家橋港
陸家港	西丘廟港	更樓港	榜無港
小楊港	王家港	徐楊港	五齊港
南盛港	沈家港	張家港	通浦
大廟港	郎家港	新開港	湯家港
廟橋亭港	烏梅港	蒙港	此水至甘泉港俱入太湖
鴛鴦港	時家港	柵港	凌家港

羅家港	鴉港	趙家港	白浦	
破車港	白婆亭港	打鐵港	東朱家港	
西朱家港	葉家港	張其港	甘泉港	
宋家港	雪落港	此水不通	創港	
吳家港	東潘奇港	西潘奇港	西鬼家港	
冊關港	此水大通	方港	直瀆	此水不通
茅柴港	韭溪	此水大通	舟不堰	淩諸湖水入太湖在四都
循湖塘折而北此後皆石塘				

自此折而東北

續文獻通考卷之十

六

三百五十六

閘江口	湖此入	梁溪入湖 正派	浦嶺門 梁溪分派入湖	獨山門 長廣溪 正派自	赤城溪	新安港	洪干淪	直浪港	自此吳縣與無錫分界烏山爲限	隨舍港	香山港	塘橋港	白洋灣	白沙港	莫舍淪 此入湖 要地	自此折而西	七里港
										烏角溪							鮎魚口 吳江與吳 縣分界
																	麵杖港

自此無錫與武進分界

馬跡山中湖 戚墅港

自此又折而西南武進宜興分界自下瀆起至蠡瀆即古者今多淤沒無攷

下瀆 陳家溪 符瀆 五千瀆

墓瀆 葛瀆 黃瀆 堵店瀆

欣瀆 彭瀆 毛瀆 趙瀆

師瀆 後師瀆 徐瀆 何瀆

朱瀆 陽溪瀆由橫塘出 白瀆

龍石瀆 北津瀆 新瀆 中津瀆

歷瀆 前黃干瀆 茭瀆 杜瀆

續文獻通考卷之十 七 蘇三圖

南洋瀆 後黃干瀆 鴨甲瀆 伍賢瀆

牛路瀆 廟瀆 湯港瀆 大浦瀆由橫塘出

新灣瀆 馬家瀆 俞家瀆 鄭瀆

寺莊瀆 高莊瀆 西寺瀆 臺莊瀆

握瀆 盛瀆 陽瀆 茅巷瀆

北朱瀆 張瀆 河溪瀆 梁新瀆

王瀆 南朱瀆 魏瀆 凌瀆

呂瀆 烏瀆 王塔瀆 荆溪瀆由橫塘出

定諤瀆 虞瀆 岸瀆

須瀆 許家瀆 高涇瀆 李家瀆

竹門瀆 前塘瀆 斯塘瀆 許墓瀆

未昌瀆 吳瀆 蔡瀆 蔣瀆

馬瀆 陳埭瀆 渚墟瀆 山瀆

湯家瀆 吳溪瀆 饒單瀆 蠡瀆由橫塘出

大虛瀆 苦文瀆 官瀆 蘆瀆

胡瀆 古尤瀆 草瀆 長令瀆

沙塘瀆由橫塘出 Y白瀆 陰陽瀆

莊野瀆 無口瀆 雙瀆 市橋瀆

梅塘瀆 杭瀆 上瀆

自此宜興與湖州長興分界又折而東南

香閑山港 金村港 上週港 夾浦港

續文獻通考卷之十 八 蘇三圖

烏橋港 謝莊港 丁家港 鷄籠港

大東瀆港 杭瀆港 石屑港 盧瀆港

金鷄港 後村港 新塘港 石條港

殷南瀆港 逢浦港 福綠港 石瀆港

新開港 花橋港 白茅港 寶瀆港

小陳港 蔡浦港

自此湖塘折而東長興與烏程分界

濮撥港 徐溇港 西山港 顧家港

官瀆港 張窰港 宣家港 楊瀆港

泥橋港 寺橋港由大錢 紀家港

湯家港 諸溇 沈溇 安溇

羅淞	大淞	新涇淞	潘淞
幻湖淞	西金淞	東金淞	許淞
楊淞	謝淞	義高淞	陳淞
濮淞	五連淞	蔣淞	錢淞
新淞	石樓淞	湯淞	城淞
宋淞	喬淞	胡淞	江牛家淞
三江攷			
水經云中江在丹陽蕪湖縣南東至會稽陽羨縣入于海			
震澤在吳縣南五十里北河在毘陵北界東入于海章			
昭云三江爲吳郡南松江錢塘江浦陽江 今志以松			
江婁江東江爲三江而東江湮沒無攷疑在華亭海鹽			
續文獻通考卷之十			
平湖界中後爲捍海塘堵截不通耳 一統志云中江			
在溧陽縣西北即禹貢之三江也今名永陽江下流入			
宜興縣界 按 我朝永樂中嘉定縣民周程上言東			
吳水利舊有三江曰錢塘曰吳淞曰婁江此不知其何			
所處存之以備參攷			
婁江 即劉家港 史記正義曰一江東北下三百餘里入			
海曰下江亦曰婁江 吳記曰東北入海爲婁江 又			
蘇志云自吳縣鮑魚口北入運河經郡城之婁門者曰			
婁江歷崑山太倉東至天妃宮出海			
東江 史記正義曰一江東南上七十里至白硯湖曰上			
江亦曰東江 吳記云東南入海爲東江 蘇志云自			

大姚分支過蕪湖東至嘉定縣界合上海黃浦由黃浦	經嘉定縣江灣青浦東北流亦名松江者爲東江	按大姚在
長洲縣二	十六七都	
鄞道元水經云漢書地理志曰秦於越地武原鄉置	海鹽縣後沒爲柘湖徙治武原又淪爲當湖南有秦望	山谷水于縣出爲散浦以通巨海疑此即東江也後因
築捍海塘遂湮沒無攷 吳記曰一江東南行七十里	入小湖爲次溪自湖東南出爲谷水谷水經由拳縣故	城下又東南經嘉興縣城西又東南經鹽官縣即海鹽
縣故城後沒爲柘湖縣南有秦望山谷水于縣出爲散	浦以通巨海說與水經稍同 水經曰又東至餘姚縣	
續文獻通考卷之十	十	
東入于海注云餘暨之南餘姚西北浙江與浦陽江同	會歸海 山海經曰浮玉之山北望具區若水出于其	中北流至具區浮玉句餘東五里是句餘縣之東山乃
應入海此則太湖從浙江出海似亦有因 松志云上	海縣黃浦支河曰閘港閘港之東曰新塢新塢舊有海	口論者指此爲東江
松江 史記正義曰一江西南上七十里至太湖曰松江	一名松陵江即古笠澤江也 吳記曰自吳縣長橋東	北合麗山湖東注者爲松江
今按志松江自吳縣長橋下東流至尹山北流至甫里	東北流至澱山北合趙屯浦又東合大盈浦又東合顧	

會浦又東合松子浦凡五大浦至宋家橋與黃浦合流入海將入海處別名滬瀆

三江口 由湖入海之道最大者曰三江其分水處曰三江口在史記正義曰三江口在蘇州東南三十里又

吳地記曰松江東南行七十里得三江 又云吳松白鶴青龍三水會合處曰三江口

宋文帝元嘉中王濬以松江壅淤欲穿浙之武康紆谿以出海不果行

梁武帝大通中詔王奕濬大瀆以瀉吳郡之水從浙江入海亦止不行

宋

續文獻通考卷之十 十一

直宗天禧間張綸疏崑山常熟之五湖道太湖水以出海仁宗寶元間葉清臣疏盤龍滙及滬瀆入海滬瀆乃黃浦

近海處也 慶曆時蘇州通判李禹卿堤太湖八十里為渠 單鍰置五堰于溧陽開百瀆于宜興置斗門于

江陰建長橋于吳江經理太湖之水

神宗熙寧間郊僑請遷杭州長河堰決宣歙杭睦等山水歷浙江入海不果行

哲宗紹聖間毛漸請如錢氏有國時起長安堰至塩官徹清水浦入海又濬無錫芙蓉湖武進廟堂港常熟梅李涇以入楊子江又濬崑山七鴉下張以出海又濬華亭大盈顧滙二浦從柘湖新涇下金山小官浦入海議皆

不行

徽宗崇寧時鮑朝懋開封家渡由古江至大通浦出海高宗紹興間任從古議從常熟東柵開至雉浦入丁涇開

福山塘自丁涇口至尚墅橋北注大江入海

孝宗隆興中沈度開常熟十浦許浦自海里塘雉浦口東開至白蕩白茅浦自黃沙港開至支塘橋雉浦自丁涇

塘開至浦口黃泗浦自十家港開至奚浦口茜涇浦自界涇開至鴨頭塘下張浦自東海涇開至千步涇七鴉

浦自梅浦開至李漕涇川沙浦自海涇開至六鶴浦楊林浦自楊林橋開至陶家港掘浦自梅口開至五聖港

凡十大浦皆達于江注于海 紹熙中濬武進烈塘即得勝新河也

續文獻通考卷之十 十二

元 世祖至元間朱清濬婁江以入海

成宗大德八年差民夫二十萬疏掘太湖澱山湖仍設軍屯守 詳見湖田 又濬治吳江松江海口故道

英宗至治二年委嘉興湖州二路體究太湖入海故道疏濬之 三年江浙省臣以浙西諸山之水受之太湖下

為吳松江東滙澱山湖以入海而潮汐來往逆湧濁沙上涇河口 詳見湖田 乞委嘉興路治中高朝列湖州路

知事丁將仕同本處正官體究舊會疏濬通海故道及新生沙漲礙水處所商度開條處丁知事等官按視謹

續文獻通考

卷之十

十三

四百五十六

究合開濬河道五十五處內常熟九處十三段該工百三十二萬一千五百六十二崑山州十一處九十五里用工二萬七千四百役夫四百五十六宜於本處有田一項之上戶驗田多寡筭量里步均派自備糧赴工疏濬正月上旬興工限六十日工畢二年一次舉行嘉定州三十五處五百三十八里該工百二十六萬七千五百十九日支糧二升計米萬二千六百七十石五斗九升日役夫二萬一千一百一十七六十日畢工程浩大米糧數多乞依年例勸率附河有田用水之家自備口糧佃戶傭力開濬奈本州連年被災今歲尤甚力有不逮宜從上司區處高治中會集松江府各州縣官按視議

續文獻通考

卷之十

十四

四百五十六

後兩經疏開稍得豐稔比年又復壅蔽勢家愈加租市雖得徵租實失大利上海縣歲收官糧一十七萬石民糧三萬餘石略舉以延祐七年災傷五萬八千七百餘石至治元年災傷四萬九千餘石水旱連年殆無虛歲不惟虧欠官糧復有賒貸之費近委官相視地形講議疏濬其通海大江未易遽治舊有河港聯絡官民田土之間藉有灌漑者今皆淤塞必須疏通以利耕種欲令有田人戶自為開濬而工力浩煩民力不能獨成由是議上海嘉定河港宜令本處所管軍民站龜僧道諸色有田者以多寡出夫自備糧修治州縣正官督役其豪勢家租占湯田妨水利者並與除開本處民田稅糧全免一年官租減半今秋收成下年農隙舉行行省行臺廉訪司官巡鎮外據華亭崑山常熟稱河港比上海嘉定緩急不同難為一體從各處勸農正官督有田之家備糧併工修治若遽興工陰陽家言癸亥年動土有忌預為咨稟可否

泰定帝元年十月十九日右丞相旭邁傑等奏江浙省言吳松江等處河道壅塞宜為疏濬仍立閘以節水勢計用四萬餘人今歲十二月為始至正月終六十日可畢用二萬餘人二年可畢其丁夫於旁近諸邑戶內均差依練湖例給傭直糧食行省行臺廉訪使并有司官同提調臣等議此事官民兩便宜從其請若丁夫有餘止

令一年畢命脫散答刺罕諸臣同提調事委左丞朵兒只班及前都水任少監董役得旨移文行省準擬疏治江浙省下各路發夫人役至二年閏正月四日工畢由是吳松舊江二道烏泥涇大盈浦二河俱通 二年五月立都水庸田使司浚吳松二江

文宗至順二年太湖溢漂安吉吳江民三千九百餘家順宗至正元年樟漉吳松江沙泥浚各開舊河直道與漕渠張涇及風波南俞北俞並鐵官紹盤龍六磊石浦等塘通

至元間任仁發上言尚書云三江既入震澤底定三江乃婁江東江吳松江也震澤乃太湖也太湖納百川之水而注之三江三江洩太湖之水而入于海水有所歸復有所洩則震蕩者平定尚何霖潦之可憂哉三江已塞僅有吳松一江今來下源沙高水淺不甚湍急若及早開濬工費省而易為力數年之後愈久愈湮工費倍而難為功所當預為之圖也今之言水利者謂水性就下導而使之通流而已河港陂塘狹者廣之高者下之

續文獻通考

卷之十

十五

寒者浚之瀰漫者隄防之人皆能言殊不知治水之法須識潮水之背順地形之高低沙泥之聚散隘口之緩急尋源泝流各得其當合開者開合閉者閉合隄防者隄防庶不徒勞民力而民享無窮之利昔自唐至宋陳令公丞相裴度范文正公葉內翰朱晦庵蘇東坡歐陽

續文獻通考

卷之十

十六

文忠公等皆陳言修浚或吝於浩費而不行或惑于浮議而弗講或始行而終輟或營修不得治水之法因循歲月少見實效歸附以來江河淮海缺官管治愈見埋塞二十餘年之間水利大壞以致蘇湖常秀之良田多棄為荒蕪之地深可痛惜范文正公新至開浚是時論者阻之或曰江水已高不納此流或曰日有潮至水安得就下或曰沙因潮至數年復塞或曰開浚之役重勞民力公以為江海舊下故得為百谷王豈能不下於此謂江水已高不納此流者非也彼一日之潮有損有增三分其時損居一焉乘其損而趨之勢孰可禦謂日有潮至水安得下者非也新導之河必誤諸閘常時局之沙不能塞每春理其閘外工減數倍亦復何患謂沙因潮至數年復塞者非也江南所植惟稻大水一至秋無他望俾之專通溝瀆脫百姓於饑殍快道使之雖勞不怨謂開浚之役重勞民力者非也於是力排浮議疏濬積滯民受其賜又有對東坡公言吳中水患者乃謂天理之當然不可復以人力修治東坡曰不然父老嘗言此患所從來者四百十年耳蓋人事不修之故非天時之所致也范蘇二說愚雖不敏深以為然 至元中知水人潘應武言朝廷數百萬糧浙西數百萬生靈皆取給於浙西數郡而浙西地勢極低出產米糧豐厚自圖山福山而下有二百八十里餘沙岡身以限滄溟岡身

續文獻通考

卷之十

十七

錢糧

之間有港浦一百五十餘處潮汛往來至震澤而定故名曰平江有太湖又名洞庭湖周圍三萬六千頃受納三州六縣三吳五湖之水合流而下一路徑下吳松江二百六十餘里抵海又一路自急水港五十里下澱山湖湖周圍二百五十里由港浦入海浙人常苦水災古入開浦港澇涇澮之類者無非所以爲去水計使民居無昏墊而上可耕墾居民常常修築圩塍官司常常修浚水路濬則車水出田旱則車水入田公私之利可謂得哉錢王時置撩淺軍四部七八千人專爲田事導河築堤亡宋初年廢弛常有水患至仁宗朝范文正公親履海濱開浚五湖東南入吳松江東北入于海用費錢糧一十八萬三千五百九十八貫石自後置農田水利使專管湖塘河渠趙運使任內用錢米四十三萬八千有奇至理宗朝創立魏江江灣福山水軍三部三千人專一修江湖河塘工役僅免水患歸附後軍散管廢米糧歸之朝廷有莊田荒廢無人經理河港壅塞水脉不通無官修浚其澱山湖中有山有寺宋時在水中心東有出水港曰斜歷口曰汊港口曰小漕港口曰大瀝口曰小瀝口各闊十餘丈深五七尺通潮水往來潮退時引湖水下大漕港大盈浦入青龍蟠龍等江出海而去古人謂水之尾閘門宋法禁人占湖爲田爲泄水路故也歸附後權豪勢要之家占據爲田今山寺在田

續文獻通考

卷之十

十八

錢糧

中心雖有港澇關不及二丈潮泥淤塞深不及二三尺潮水湖水不相往來闕住去水東南風起水回太湖則長興宜興歸安烏程德清等處水漲泛溢皆因下流不決積水往來爲害近年雖蒙省府差官相視每爲勢力所阻權奸但知幸災樂禍何嘗考古問今爲國家經理根本哉愚昨隨營田司官親會相視水勢與高年老農知識地理人講究得澱山湖東大小漕港斜瀝口汊港口固是水之尾閘門今爲權豪勢要占據爲田此處水路卒難復舊澱山湖北有道謁浦俗呼稻頭浦千墩港小瀝港四處去江頗近水勢順便今若先於此四處開浚決於水路以救百姓生靈以保公私財貨實爲居安慮危經理根本之計候潮水減退然後次第開浚諸處河港修理開堰以濟運河此即古人所謂下流既通上游可通也 大德間都水庸田使麻合馬嘉議拯治吳松江方畧參詳浙西田土多藉太湖之水灌漑所利甚大若河港閉塞不能通流湖水稍遇大雨便致泛溢淪沒田禾爲害不輕其吳淞江元受太湖澱山湖諸處湖汭上源急流衝散自古可敵千浦浙西之水來既有源去亦有委是以不成水患近年以來因上源吳江州一帶橋洪塘洋椿釘壩塞流水艱澁又因沿江水面并左右澱山湖湖汭等處權豪種植蘆葦圍聚爲田邊近江湖河港隘口沙灘滋生茭蘆阻節上源太湖水勢以致

湖水無力不能汎滌潮沙遂將東大江沙泥塞滿江邊雖有江洪水勢不能全復故道水性潤下是故潮水就其地所順下而行此天地自然之理今太湖之水不流於江而北流入於至和等塘經由太倉出劉家等港注入大海并澱山湖之水望東南流于大曹港柘澤塘東西橫澱泄于新涇上海浦注江達海今張桂榮何珍朱文祥所言吳松江漸成痼疾頗難救療即今與平江路總管李通議并崑山州官常從仕嘉定州達魯花赤燕帖木兒松江府上海縣石縣尹知水利人張桂榮朱文祥何珍徐鑄邊江久居任千戶等一同講議理合相其地宜順其水性分流派洩出江達海庶消湖水泛溢之

續文獻通考

卷之十

十九

四

患擬將上源吳江州一帶石塘橋洪水洞一百三十餘處每處展闊作一丈使太湖水勢泄流快便將太湖東南澱山湖迤東堙塞河道東西橫澱等疏深闊以泄澱山湖長澱等水及將平江路崑山州嘉定州應有堙塞河道亦行開挑分洩太湖水勢添注劉家港泄于大海又將各處江湖河港應有圍堰成田魚斷芟蘆葑稗阻水去處盡行起除禁約諸人不得似前違犯阻遏水利仍令拘該吳松江地面嘉定州松江府上海縣等處將通徹海潮河港勸諭近民於港口築壘土壩安置透水木槽名曰水竇潮來閉竇阻遏渾沙潮退起竇洩放湖水庶江道漸有通利之望 都水庸田使司行都水監

續文獻通考

卷之十

二十

四

集議江湖水利按吳誌震澤受吳中數郡之水西南湖州諸溪並下太湖蓋諸山峙於太湖之西地形高阜燕南北東三處江海之岸亦高而太湖之四外皆高水積其中常若盤盂之盈滿非藉江湖深利何以通泄設有雨潦則泛濫四溢環湖低田其能免淹沒乎范文正公謂太湖天開澤國衆流所聚而江之涯地勢皆高若欲導泄積水在乎時時點檢太湖東岸北岸通江諸河道水洞不致閉塞可也蓋環湖皆蘇湖常秀之良田病于低窪利在泄潦燕沿江傍海諸高田亦仗湖流奔注衝散潮沙使深利乃可引潮澆灌由此言之凡太湖出水口子宜常通不宜畧塞也諸小河在太湖迤東及北者有昆湖承湖陽城湖尚湖陳湖三山湖蠡湖薛澱湖又名澱山湖并諸水渚澤堰蕩皆能接泄太湖水注江達海數內澱山湖關係吳松江注泄至爲切要論其古跡周廻二百里此湖之水自大盈趙屯二浦以瀉吳松江既近且便較之諸河惟澱山湖之東岸北岸與渾潮相接最近若上源所注不急則潮沙由此以注湖內遂成淤澱淤澱者水中泥也蓋澱即淤塞之謂也湖以澱名豈非始於是乎富豪之家由淤澱而圍成田地其來久矣由是湖之瀦水益狹又與二浦漸遠而所泄不能快便若非就湖內圍田上多開湖道時時修浚二浦并浚近浦諸溝洫接脉通泄衝滌渾潮則此湖淤澱恐不止

續文獻通考

卷之十

壬子

四百七

京

於是也吳江長堤又名挽路石塘 按宜興前輩單譚云昔慶曆二年因風濤多敗漕舟遂接續築爲長堤橫截五六十里雖時有橋梁而流勢不快江海浦港復多沙漲又按東坡蘇公云松江沿數十里積石壅王築爲挽路建長橋植千柱於水中水漲之時橋上水尚高尺餘江水不快則海之泥沙隨潮日積而吳中多水患又按崑山郊壇云吳江築爲石塘以障東流之勢是致下流狹狹遽漲潮沙半爲平地如長堤如挽路如石塘皆同此處正是太湖東岸泄水下吳松江入海第一要處必於堤間多置木橋多鑿水洞上則通行下則泄水蓋欲仗其急流奔注江河衝滌泥沙免致水患然猶慮橋柱之阻水今人多不知此意或便於行路則壅塞湖口或惰於巡防則密置橋樑此又不止於橋柱之阻水也矧以菱荷魚斷等物障遏妨害農耕必得官司於此處榜示告戒使咸知利害可也吳江兩長橋長州寶帶橋至元二十九年據本路詢究得西長橋古跡元長一百八丈今兩塊築塞四十八丈所謂東長橋者古來無之乃是歸附後添置元長一百一十七丈今兩塊築塞六十丈又據詢究得寶帶橋比古跡今於南塊築塞六十丈以上三橋曾議鑿塊添橋寬展水道於三十年雖曾添橋展基未能深利如寶帶橋南塊全未通流皆合沒治崑山常熟兩塘昔丘與權鑿至和塘自吳城東關距

續文獻通考

卷之十

壬子

四百七

京

崑山七十里俗謂之崑山塘北納陽城湖南吐吳淞江吳郡志謂常熟塘自齊門北至常熟一百餘里可接太湖水勢入昆承等湖注江達海今其兩塘諸河道姑以知名者言之各有七十餘條多有壅塞之處今合去其壅塞使其有通無塞可也各河之名載於別卷大盈趙屯按嘉禾志云大盈浦南接澱山湖自白鶴匯以達吳松江浦闊三十餘丈趙屯浦南接澱山湖北達吳松江浦闊五十餘丈然此二浦注泄湖水最爲切要常宜深闊通利近年以來漸至淤塞有若平地愚生管究其淤塞之因蓋爲閉塞吳江平望沿太湖河道口子無太湖急流下澱山湖而澱山湖東向與潮相接先爲東南積淤湖泥漸爲富家園占變其湖爲田地由是二浦與湖相去漸遠而注泄亦遲不能衝滌渾潮此卽淤塞之因也今至元增工開修其趙屯浦至今通泄其大盈浦爲因支流溝洫李壩涇孔宅涇顧坊涇蘇溝沈麻涇井亭涇等處充欠浚治無浦口不曾整置堰閘隄防潮沙所以復致漲塞今宜修浚通泄吳松江諸匯按吳郡續圖經云自太湖東至沿江岸有環曲而爲匯者甚多賴疏淪而免水患若以今者環曲論之如崑山嘉定地面本在江北松江府地面本在江南今江南有嘉定之白鶴盤龍崑山之石浦江北有松江楊林等處未必不由開鑿諸匯捨直就曲而然也及觀嘉禾吳郡二志有白鶴

滙者乃昔嘉祐年間李兵部復圭崇寧間鄭曹使宣
和年間趙提舉霖三次開浚又有顧滙浦乃沈諫議主
之開浚又有千墩金城諸滙者乃儒者傳臆乞行疏決
又有盤龍滙者按續圖經云滙其徑纔十里而洄洑迂
遠逾四十里江流爲之阻遏值大雨則泛濫旁齧淪稼
穡壞屋廬范文正公嘗經度之至寶元年中葉內翰清
臣按漕本路驪爲新渠道直流速水患遂弭推原此滙
皆由上源閉塞湖流遲緩湖沙積聚而成今有河沙滙
者漲塞江心阻水太甚民尤病之不比昔年諸滙近在
岸傍可以浚治却有新華嘴分莊蕭嚴家嘴暴漲爲害
俱在江邊可以擇其要害者鑿開蓋卽滙之異名也
續文獻通考卷之十一

二十三

四

鑿而通之可免水旱二者之患 都水書吏吳執中言
浙西之地卽古揚州之域厥土惟塗泥厥田惟下下得
水之利雖博而被水之害亦大宋有郡僑者曾論天下
之水以十分爲率自淮而北五分由九河入海大江而
南五分由三江入海書所謂三江既入震澤底定是也
而三江所決之水其源甚大由江東宣徽而來加以天
目大山嶺澶斧西南諸山東注之水鍾于震澤卽今太
湖也其湖綿亘三州六縣周迴六百餘里而闊三萬六
千餘頃導其水而入海止三江爾三江已不得見汪洋
浩蕩之勢止洩於吳淞之一江當時已有泥淤不能通
洩之論大抵浙西水澤之藪外高內低勢若盤盂但遇

霖靈水輒泛溢欲使洩於江海其江海日有二潮抑遏
湖水渾流倒注來速去遲日積月增漸至淤澱致使上
源太湖之水急不能洩遇潦則低田有淪沒之患遇旱
則高田有乾涸之危豈水之性哉勢則然耳國家收附
江南之初年穀屨登不聞水患所司因循失於經理其
弊積而至於至元二十四年二十七年二十九年六年
之間三遭大水所在膏腴悉成巨浸百姓缺食賣子鬻
妻者不可勝計官糧更有何望至元三十一年中書省
奏准大興工役開挑太湖練湖澱山等湖全通江達海
河港又加以修築園坵自此之後歲獲豐收官糧民食
咸得其濟今都水庸田司已行革去修浚之責歸于有
續文獻通考卷之十

二十四

四

司卽如吳淞江舊云可敵千浦今則東自河沙滙西至
道謁浦六七十里之間兩岸漲沙將與岸平其中僅存
江洪闊不過三二十步深亦不過三二尺湖水所至比
之舊時萬不及一雖汪洋之勢見於上海新涇太倉劉
家港通達入海豈能盡洩浙西諸郡之水畧舉其由今
吳江塘岸乃太湖咽喉之地昔人曾以挽路不便有宜
建千橋之說今積石壅土數十餘里雖下有石洞百餘
能洩幾何况又有東長橋西長橋寶帶等橋植數千柱
於水中及岸之東向於江口則有富豪之侵占於江尾
則有茭蘆之閉塞其患又豈止堤岸之爲梗也又松江
有湖名曰澱山周迴幾二百里其源亦自吳江分派由